

Выходить
въ каждую среду.

Адресъ Редакціи и
Администраціи:

„ЛЕМКО“
Горлицы.

ЛЕМКО

Подписная цѣна на
газету „ЛЕМКО“

на цѣлый годъ:

Въ Австр.-Венгріи 4 К.

Въ Россію 2 руб.

Въ Америку 2 дол.

Поодинокій Н-ръ 10 г.

Объявленія по договору.

НАРОДНЫЙ ЕЖЕНЕДЕЛЬНИКЪ НА ЛЕМКОВСКОМЪ ГОВОРѢ.

Н-ръ 42.

Горлицы, среда (26 ноября) 13 ноября 1913 года.

Годъ III.



ВЛАДИМІРЪ ОСИПОВИЧЪ ЩАВИНСКІЙ



писатель публицистъ, вѣденскій корреспондентъ „Новаго Времени“ и „Прикарпатской Руси“, членъ-основатель и предсѣдатель Читальни им. Мих. Качковскаго въ Вѣднѣ, почетный членъ студ общества „Буковина“ въ Вѣднѣ, членъ всѣхъ гал.-русскихъ центральныхъ народныхъ обществъ, кавалеръ сербскаго ордера св. Саввы, заслуженный общественный дѣятель

тихо скончался 4 (17) ноября 1913 въ Вѣднѣ на 62 году жизни. — Похороны состоялись въ среду, 6 (19) ноября, въ Вѣднѣ.

Горьки слезы пролились по Галицкой Руси, бо утратила одного изъ найвѣрнѣйшихъ своихъ сыновъ, одного изъ неустрашимыхъ борцѣвъ за русскій народъ и побѣду русской народной мысли. Особенно наша Лемковская Русь есть днесъ пригноблена печалью въ серцѣ, бо стратила она въ лицѣ Владиміра Осиповича Шавинского своего уроженца, котрый яко виднѣйшій дѣятель Прикарпатской Руси — приносивъ вѣнецъ славы Лемковскѣй Руси.

Владиміръ Осиповичъ родивъ ся въ Климковцѣ, горлицкого повѣта, отъ отца Осипа — священника. Гимназію окончивъ въ Новѣмъ Санчѣ, а потомъ поступивъ на университетъ до Вѣдня и отдавъ ся студіямъ медицины. Коли однакъ въ р. 1877 выбухла сербско-турецка война — покидае Покойный свои студіи, а спѣшитъ яко хирургъ на помощь раненымъ братьямъ-славянамъ. — Въ той войнѣ навѣтъ самъ бывъ раненый, а потѣмъ вынагородженный высокимъ сербскимъ орденомъ св. Саввы.

По войнѣ вернувъ ся зновъ до Вѣдня — але южъ покидае университетски студіи, а отдае ся цѣлымъ сердцемъ и душою службѣ своей русской родины. Вступуе до всѣхъ центральныхъ русскихъ обществъ австрійской Руси и до всѣхъ славянскихъ обществъ во Вѣднѣ.

Жебы прививати любовь до Матери-Руси сердцямъ русскихъ людей, пребывающихъ во Вѣднѣ, закладае тамъ читальню им. Мих. Качковского — котрой предсѣдателемъ оставае до кѣнця житя.

Яко писатель-публицистъ зробивъ онъ много не лемъ для русского народа, але и для цѣлой великой — славянской родины.

Слѣдивъ онъ съ увагомъ за кождымъ крокомъ нашей народной жизни, особенно дуже интересувавъ ся своими уроженцами — Лемками. Кѣлько то разѣвъ выступавъ Покойный въ своихъ письмахъ въ „Прикарпатской Руси“ въ оборонѣ Лемковъ, пострадавшихъ за свою правду православному вѣру.

Не забывавъ Покойный николи о насъ Лемкахъ, а наша лемковска пѣсня на чужинѣ — примѣромъ во Вѣднѣ або во Львовѣ, де все прѣскажъ на народны собранія, спѣвана черезъ студентѣвъ-Лемковъ неразъ прослезилась Покойного Владиміра Осиповича.

Покойный до кѣнця житя заховавъ вѣру въ успѣхъ нашего русского дѣла, бо бывъ переконанный, же нашъ народъ боре ся за правду, тожъ и самъ выступавъ смѣло въ оборонѣ покривдженымъ братьямъ, а яко писатель — поддерживавъ духа въ нашимъ народѣ, коли за часѣвъ недавнихъ переслѣдованъ нашъ народъ почавъ попадати въ сомнѣнія успѣха народнаго дѣла.

Владиміръ Осиповичъ хорый на рака жолудкового мусѣвъ подлати ся операциі. Предчувавъ однакъ близкій кѣнець своего житя — тожъ исповѣдавъ ся, принявъ Найсв. Тайны, попрощавъ ся со своими друзьями и такъ поддавъ ся операциі — але ей не вытримавъ — бо въ часѣ ней умеръ — въ понедѣлокъ 17 листопада о годинѣ 3½ рано. Остатнѣ слова, котры были написаны его дрожащомъ рукою отримала редакція „Прикарпатской Руси“ въ день его смерти, а то суть ты слова:

„Все за русскій народъ и побѣду русской народной мысли!“

Похоронъ отбывъ ся въ среду 19 листопада. — На похоронъ прибыли его крвны, знакомы, наши русски депутаты, много вѣднѣйшихъ славянскихъ дѣятельствъ вѣденскихъ. — Кромѣ того брали участь всѣ члены русского посольства и русского консульства во Вѣднѣ, котрого довшій часъ Покойный бывъ секретаремъ, а въ часѣ прашальной проповѣди въ церквѣ св. Варвары не было одного человека, котрый бы не плакавъ горько за Покойнымъ, лѣпшимъ сыномъ Матери-Руси.

Похоронили его русски вѣнцы зѣ смутнымъ торжествомъ, не нашли лемъ, хотя въ довго глядали, груды лемковской земли, котру Покойный привюзъ зѣ собою до Вѣдня на выпадокъ смерти.

Память его заховать въ серцѣ русскій народъ, особенно мы, Лемки, заховаме вѣчну память по своимъ Герою — Борцу за русску идею.

Грядеть часъ и нынѣ уже есть, де мы вѣрны сыны Подяремной Руси принесемъ Тобѣ грудку той любой лемковской земли исполняя заповѣды Твоихъ послѣднихъ словъ: — „Все за русскій народъ и побѣду русской національной мысли!“

Земля Тобѣ перомъ, неустрашимый Борецъ за русску идею, царство Тобѣ небесное за вѣрну службу своему народу!



Треба боротися.

Вшыткы сотворенія — почавши отъ найнищихъ ажъ до найвысшихъ ведутъ борьбу медже собою за свое существованіе на свѣтѣ и тоты зѣ нихъ остаются при житю, побѣждаютъ, пануютъ и суть щасливы, котры одзначаються болѣшомъ силомъ, вытравалостю и способностями приспособлятися до новыхъ условій, а рѣшта марнѣе и гине. То само дѣсея и съ людми. Исторія человечества, описующая намъ жытье вшыткыхъ народѣвъ и часѣвъ, не есть ничѣмъ инымъ якъ исторією борьбы медже народами, медже бѣдными и богачами и медже учеными съ одной стороны а темнотою съ другой.

Она то учитъ насъ, што сила народѣвъ лежить въ ихъ едности, просвѣщенію, отвазѣ и охотѣ жертвувати вшыткымъ для вѣднѣ добра и што вшыткы иншы, котры тымъ не одзначаються, мусять служыти першымъ, марнѣти и вымерати.

Треба боротися съ темнотою и насаждати и шырити просвѣщеніе, котре дае внутренне задоволеніе — чувство своего человеческого досто-

инства, провадитъ до свободы духовной и матеріальной и являеся головнымъ средствомъ въ борьбѣ за существованіе и жизнь. Черезъ цѣлы тысячлѣтія было человечество въ неволѣ у можныхъ владѣтелей, переслѣдовавшихъ и переслѣдующихъ всяку свободу совѣсти и мысли и толькѣ въ 18-омъ и началѣ 19-ого столѣтій просвѣщеніе шырене медже народомъ учеными справило, же люди почувствовали же суть людми и упомнулися о свои права. Выбухли революціи, полялася кровь, але панщина мусѣла быти знесена и надана конституція.

Смирность и плачливость, то черты темныхъ, погордженымъ и безсильныхъ рабѣвъ и они николи и ничому не помогли. Тото смиреніе и покору прививали и прививаютъ и защиляютъ въ душу нашего народа декотры ксендзы яко основу его рабства. „Не смѣйте иначе думати и вѣрити якъ мы кажеме — говорятъ они — бо въ пекло пойдете на вѣчны муки“, такъ якъ бы они были людми зѣ неба зосланными, иншими якъ мы, и вшытко знающими.

Коли „Лемко“ зачавъ брати въ оборону селянъ передъ ихъ вызыскомъ, они съ церковныхъ амбонѣвъ и на сповѣди зачали его выклинати, жебы народъ его не читавъ и не прозрѣвъ. Минули южъ часы „святой Инквизиціи“, котра палила тысячи лучшихъ людей за непослухъ духовнымъ властямъ и вольнодумство!

Чи то не кривда, же мы платиме податкы и даеме рекрута, а правительство всперае другы вѣры и народности нашыми грошами, а нашу вѣру и народность русскую переслѣдуе и пригнетаетъ? Чи то не кривда, же меньшинство нашмарюе свою волю народу, а онъ, огромное болѣшинство лемъ терпитъ и працуе?

Жебы тото змѣнилось, треба народъ просвѣтити, виробити въ нимъ чувство человеческого достоинства, національное русское сознание, всказати ему на кривды яки му дѣются и на права, яки му належатся.

Надходитъ зима, буде каждый мавъ болѣше часу и для того каждый, чи то просвѣщенный селянинъ, чи интеллигентъ, повиненъ ходити и громадити другихъ до читальни, а де ей нема то сейчасъ открывати. Лемъ въ единствѣ и просвѣщенію наша сила, будущность и свобода. Намъ не вольно тратити надѣю и

попадати въ отчаяніе, бо за нами правда, исторія и великій русскій 100-милліонный народъ.

Мы селяне кормиме и одѣваеме тысячи урядниковъ и ксендзовъ — они отъ насъ залежны суть, а не мы отъ нихъ и они повинни насъ слухати, нашу волю выповняти и голосити таку вѣру, яку мы хочеме визнавати, а не нашмарювати намъ вшитко ведля своей воли. Тымчасомъ дѣся совсѣмъ противно. А длячого? Бо меджи нами огромне бѣльшинство людей темныхъ, а они просвѣщены наукою, котра дае силу, власть и богатства.

Мы бѣдны и насъ всѣ вызыскають, але мы сами тому винни, бо можеме и повиннисме — закладати свои кассы, свои молочарнѣ, склепы, млины, тартакы и фабрики вспѣльно на коопенативныхъ началахъ, якъ то южъ неразъ писалоса въ „Лемку“, а вшиткихъ тыхъ хамовъ, што то до чужыхъ, ворожихъ рукъ отдають свои грошы не припускати до себе, выдаляти за двери зъ своего дому, однимъ словомъ брыдитися ними. Намъ треба досконало познакомитися съ условіями экономичной жизни, съ земледѣліемъ, ремеслами, торговлею и промышленностію у другихъ народѣвъ и самымъ розвинути всю свою енергію въ томъ направленіи, бо матеріальная свобода являея подставою, фундаментомъ всякой иной свободы, чи то политичной чи духовой.

Лемъ дряхлы, стары и умирающіи могутъ любити спокойствіе, а удѣломъ живыхъ, здоровыхъ и молодыхъ есть борьба. И такъ долой рабство и невѣжество! Да здравствуетъ борьба за свободу и лучшее будущее, за правду и справедливость!

Оборона русской идеи и хлопскихъ правъ въ парламентѣ.

(Бесѣда депутата В. М. Куриловича.)

Высокая палата! Коли радимо и говоримо о грошевой журѣбѣ нашей монархіи, не вѣльно намъ также не сказати хотяи бы кѣлька словъ о томъ, що дѣся внутри нашей державы и якъ она захоуея ввиду своихъ сосѣдей.

Не только положеніе внутри нашей монархіи есть необычайно незавидное, но также и изъ заграницы грозитъ нашей державѣ поважное небезпеченство. Правда, на Балканахъ запановавъ штучный покой, однако огонь сосѣдской ненависти горитъ дальше и буде горѣти по причинѣ утворенія независимой Албаніи,

бо черезъ то зродилося для Австріи постоянное небезпеченство войны, котрое требе — що разъ то бѣльше и бѣльше грошей на военный цѣли.

Якъ на селѣ хорошее сосѣдское пожитѣе дае людямъ покой и добрыи сосѣди живутъ собѣ задоволенныи и безпечно собѣ господаруютъ, такъ само и держава муситъ шукати дорѣгъ, чтобы съ своими сосѣдами жити въ згодѣ и мирѣ и съ того вытягати якъ наибѣльшии корысти. — Однако Австрія поступае якъ разъ наоборотъ. Она якъ бы наумысно задираея съ своими сосѣдами, зачепаея и дразнитъ ихъ якъ злая и сварливая сосѣдка и въ той способъ отпихае ихъ отъ себе. — Такъ було цѣлый часъ съ Сербіею, такъ було и на жалъ и есть съ Россіею. Не союзъ съ Германіею и Италіею, котрый оказався въ послѣднихъ часахъ дуже непевнымъ, може спасти нашу державу, а добрососѣдское, опирающося на взаимномъ довѣрыю

пожитѣе съ Россіею

можетъ укрѣпити нашу монархію и запевнити ей покой, чого горячо собѣ желаютъ всѣ народы нашей державы. Однако Австрія съ дня на день погѣршуе свое сосѣдство до Россіи а то разъ тому, що вѣчными подѣждоуваньями стараея подорвати справедливыи интересы Россіи на Балканѣ, а по друге длятого, що

штучно годуетъ мазепинство и поддерживаетъ провокаторскую дѣятельность мазепинства ввиду Россіи.

„Украинство“ народилося всего 40 лѣтъ тому назадъ и съ бѣдою только клигало, якъ старый немѣнный дѣдъ и безъ грошевой поддержки со стороны австрійского правительства

и цѣлого потока нѣмецкихъ марокъ

давно уже було бы знидѣло и погребло. Еще до парламентскихъ выборовъ въ р. 1907 украинская партія въ Галичинѣ — ледви ледви дышала. *(Тутъ мазепинскіи послы вымахуютъ руками и кричатъ).* Однако першіи загальныи парламентскіи выборы при помочи Вѣдня, намѣстничества, старостѣвъ и жандармѣвъ, а также, якъ то доказавъ процессъ Раковского —

при помочи прусскихъ марокъ

негаданно и нежданно вскрѣпили мазепинство, бо вышло много мазепинскихъ послѣвъ, котрыи начали брыкати и съ котрыи въ Вѣднѣ не могли дати собѣ рады. — А если до того додамо, що на митрополичѣмъ престолѣ во Львовѣ — сидитъ

польскій іезуитъ гр. Шептицкій

(тутъ мазепинцы снова выкрикуютъ) — Шептицкій, котрый при помочи украинцевъ хоче зварити свою польско-іезуитскую саламаху, а именно — златиншити уніятскую церковь и спольшити галицкій русскій народъ — то буде каждому ясно, що якъ одни такъ и другіи взялися съ цѣлою силою ослаблявати и нищити русское сознание галицкихъ русскихъ хлопѣвъ, отъ вѣковъ называющихъ себе русскими и признающими національное единство всѣхъ русскихъ племенъ.

А що вышло изъ той нерозумной всей работы Австріи? можетъ якая корысть?

Та де тамъ! Бо только слухайте. Идея украинская звертаея — противъ самой Австріи, бо мазепинцы кричатъ:

„Прочь съ Австріею и Россіею — най живе независимая украинская республика!“

То одно зло для Австріи. А друге то то, що черезъ годованье мазепинства псуея такъ потребное добрососѣдское пожитѣе съ Россіею, бо прецѣнь же не може Россія жити по сосѣдски съ тимъ, кто годуетъ и выпасае мазепинцевъ на наибѣльшихъ ворогѣвъ Россіи.

Отже для того, чтобы привернути сгodu и миръ съ Россіею и въ такой способъ добитися спокою — такъ конечно потребного нынѣ Австріи, Австрія муситъ впередъ залишити шкѣдливую политику, мающую на цѣли утворити независимую Украину.

Рѣвночасно правительство муситъ покѣнчити съ переслѣдованьями, котрыи топчутъ ногами національныи и религіи чувства русскихъ Галичанъ.

Я наведу только кѣлька примѣровъ на то, якъ безчеловѣчно переслѣдуютъ тихъ русскихъ Галичанъ, котрыи признаются до единства всего русского народа. *(Украинцы выкрикуютъ).*

Нашихъ студентѣвъ не принимаютъ до духовныхъ семинарій, а нашимъ священникамъ не даютъ парохій — чтобы сельскій народъ не мавъ своихъ интеллигентныхъ проводирей.

Еще въ тяжѣмъ положеніи находятся наши православныи люди *(Украинцы шумятъ).* — Православныхъ священникѣвъ въ Галичинѣ арестуютъ и цѣлыми мѣсяцами держатъ въ тюрьмѣ, чтобы православныи крестьяне остались безъ духовной и церковной потѣхи. Дойшло навѣтъ до того, що повѣтовый комиссаръ изъ Ясла вдерся съ жандармами подчасъ богослуженія до церкви въ селѣ Долгомъ, перервавъ богослуженье, арестовавъ св. Соловѣя, а св. Дары конфисковавъ въ такой способъ, що впхавъ ихъ собѣ просто въ кешеню! Таке саме було въ селѣ Лядскѣмъ, гдѣ жандармы багнетами выганяли православныхъ людей изъ церкви. Чи такой способъ поступованья годится съ достоинствомъ цивилизованной державы? — Чи то въ такой способъ Австрія приготовляе сближенье и сгodu съ православною Россіею? *(Украинцы выкрикуютъ).*

Нашихъ людей невинно мучатъ по тюрьмахъ. На пр. писателя Бендасюка арестовали еще 20 мѣсяцевъ тому и до нынѣ никто не знае, въ чѣмъ его обвиняють, за що его будутъ судити и за що онъ уже два роки мучится въ тюрьмѣ. Съ нимъ мучатся также два православныи священники. *(Украинцы выкрикуютъ).*

Наши собранія забороняются, щобъ придавити крикъ, вырывающійся изъ побѣдѣвшего сердца нашего народа.

Будзиновскій: Якъ же можна позвалати на собранія російскихъ шпіонѣвъ? Куриловичъ: Тажъ то собранія хлопѣвъ! Будзиновскій: Хлопы всѣ шпіоны! Куриловичъ: Абы тобѣ покривило! А тебе гайдамако кто выбравъ посломъ? Шпіоны? Хлопы не берутъ марокъ! (Будзиновскій прискакуе до Куриловича и выдѣрае ему наперѣ изъ рукъ, въ котрѣмъ находились нотатки рѣчи, мнѣ его въ

бѣшенной злости и кидае на землю. — *Посоль Добія підносить паперъ и отдае Куриловичу. Чешскіи послы до мазепинцевъ: Псюки, не гавкайте! Куриловичъ смѣется и спокійно говоритъ дальше).*

Що року отбуваеся після статутівъ общее собраніе просвѣтительного общества им. М. Качковского — котре мае много тысячъ членівъ. Въ томъ році таке собраніе членівъ заборонено нѣбы то по причинѣ холеры, хотя въ тойже день отбулися безъ перешкоды чотыри польскіи собранія. *(Украинцы кричатъ).* Также було заборонено собраніе нашихъ студентівъ, хотя въ той самъ часъ отбулося собраніе украинскихъ студентівъ.

Нашу молодежь — выганяють изъ шкѣлъ, нашихъ дѣтей не принимаютъ до „украинскихъ“ гимназій, а въ Сяноцѣ не принимали ихъ навѣтъ въ народую школу. Всѣ наши провинціальные бursы замкнены, а молодежь выгнали на улицу за то, що читала русскіи книжки. Навѣтъ приватнымъ учителямъ не позволяется приватно учить русского языка. Учителку Орлову полиція выдала.

При послѣднихъ сеймовыхъ выборахъ **було наказано не пустити въ сеймъ ни одного посла нашей партіи.**

Для того допускался, кто хотѣвъ — наибольшихъ лайдацтвъ. На пр. въ Сяноцѣ украла намъ выборная комиссія безстыдно 46 голосівъ для Поляка гр. Потоцкого. Въ Жолквѣ, Равѣ, Жидачевѣ и Турцѣ власти поводились въ нечуждый способъ, страшили нашихъ людей и силою змушували ихъ голосовати на — украинца. Дѣйшло навѣтъ до того, що митрополитъ Шептицкій выпустивъ агитаційное пастырское посланіе, въ котромъ назвавъ нашихъ кандидатівъ агентами чужой державы и заборонивъ побожнымъ христіанамъ голосовати на нихъ. *(Украинцы перечатъ, выкрикуютъ. — Чехи до мазепинцевъ: Гайворонье — не кракаютъ! Досыть надзѣбались галицкихъ хлопівъ!)*

Наконецъ навѣтъ

нужду крестьянъ,

выкликанную сего року стихійными бѣдствіями, выкорыстуютъ для политики. — Нашъ „Рольничій Союзъ“ и общество Качковского не покликали до участія въ державной помочи потерпѣвшимъ, хотя Поляковъ и Украинцевъ покликали. По той причинѣ наши крестьяне остались безъ всякой обороны и помочи правительства и ихъ жде голодовая смерть. Ввиду того мы основали собѣ власный спасательный комитетъ и

звернулися до нашихъ братьевъ въ Россіи и Америцѣ

съ просьбою о помѣчѣ и вѣримо, що они намъ помогутъ. А отъ правительства требуемъ только пониженія цѣлы и переезжа желѣзницею сбѣжа изъ за границы — въ такой высотѣ, якъ дѣстали Поляки и Украинцы. Также домагаемся, чтобы при меліораційныхъ, дорожныхъ и другихъ краевыхъ и державныхъ работахъ не поминали хлопівъ. *(Мазепинцы кричатъ: Не треба хлопамъ работы! На що имъ работы! Най їдуть до Пруса!)*

Если такъ съ нами поступаютъ, то чи правда то, якъ то кричатъ мазепинцы и газеты, що намѣстникъ Коротковскій

насъ піддержуе? Хорошо піддержуе — если правительство — попросту обдирае насъ съ всѣхъ конституційныхъ правъ, не хоче насъ выслухати, нашихъ представителівъ не кличе до переговоровъ о сейм. избир. реформѣ, а нашъ голодъ выкорыстуетъ для политики.

Для того мы

противъ всѣхъ грошевыхъ журбъ нашей державы, котрыи мають на цѣли наложити новын податки на хлопівъ.

Не позволимъ и не дамо обдирати хлопівъ! *(Мазепинцы кричатъ: Чого за хлопомъ обстае? Яка нинѣ хлопви бѣда? Ъсть пироги и спѣвае!)* Требуемъ, чтобы хлопівъ и робѣтниківъ зрѣвнати съ панами и урядниками. Для чего панамъ не вѣльно всего грабити за довги и податки, а хлопамъ можна забрати навѣтъ послѣднюю полушку и корову? *(Украинцы вымахуютъ руками.)*

Требуемъ, чтобы парламентъ рѣшивъ законъ, котрый бы наказовавъ, чтобы часть хлѣпского майна, необходима для выживленія господаря и его родины, була увѣльнена отъ рабежи за довгъ и податки.

(Мазепинцы и Поляки страшно выкрикуютъ, хотять заглушити Куриловича. Но Куриловичъ підноситъ голосъ и уже не говоритъ, а кричитъ, чтобы его цѣлый парламентъ чувъ):

Протестуемо противъ подвысненія податка на горѣвку, а протестуемо для того, що горѣвку пѣе по бѣльшой части только бѣдное населеніе, бо въ зимѣ на пр. робѣтниківъ, котрый всегда зле отжился, не може обѣйти безъ горѣвки. *(Куриловичъ звертаеся до мазепинцевъ: Лучше оподаткуйте выше ликеры, коньяки и вина, котрыи спиваютъ наши мазепинскіи послы по каварняхъ и ресторацияхъ).*

Протестуемо противъ такой сеймовой изб. реформы, якую хотять завести Украинцы и Поляки и я заявляю, що нашъ народъ буде всегда боротися за такую реформу, котрая отповѣдае его народной численности и силѣ, т. е. за загальнымъ и рѣвнымъ правомъ голосованья!

Коли Куриловичъ окѣнчивъ, подѣйшли до него славянскіи послы (розумѣся кромѣ мазепинскихъ и польскихъ) и поздравляли его, говорячи — що треба мати велику отвагу, чтобы въ такъ рѣшителный способъ — выступити публично въ парламентъ — въ оборонѣ русской идеи и хлопівъ. Мазепинцевъ же, котрыи окружили Куриловича и хотѣли его заглушити и ослабити его мову рѣвными окликами якъ: російскій жандармъ, плаченный агентъ, шпѣонъ и т. д. называли они голосно зрадниками своего народа. — Одинъ съ чешскихъ послѣвъ крикнувъ: Ренегаты! А де ваше народне имя? Що вы варта, якъ вы встыдаеся своего имени и называете себе такъ, якъ того хочутъ вороги народа? Перекѣнчики! Псюки — не стыдно вамъ нападати цѣлою гурмою на одного чоловіка? А все таки онъ одинъ васъ всѣхъ не боится и рѣже вамъ правду въ очи! Най живе Куриловичъ, доблестный защитникъ своего бѣдного народа!

Бесѣда Куриловича выликала въ цѣлой Австріи великое впечатлѣніе. Всѣ вѣденскіи газеты передруковали ей дословно, особенно тѣ мѣсця, въ котрыхъ говорится — що Австрія такъ довго не буде мала спокою, поки не поєднаеся съ Россією — и тѣ мѣсця, въ котрыхъ Куриловичъ говоритъ о провокаторской работѣ Мазепи за марки. Телеграммы рознесли дуже докладно по цѣлой Европѣ бесѣду Куриловича и все наразъ заговорило о ней и о томъ, що въ Галичинѣ есть русскій народъ, котрый терпитъ страшны кривды.

Мазепинцѣ брешутъ!

Рѣчь деп. Куриловича барзъ не по смаку пошла мазепинцамъ, тай нужъ противъ ней. Же Украинцѣ лемъ клеветами противъ насъ воюють, то рѣчь знана — але жебы засъ такъ брехати неправду, якъ посоль украинскій отъ Стрыя Олесницкій собѣ позволивъ, то южъ переходитъ границѣ. — На таке лемъ мазепа здѣльный! Олесницкій заявивъ, же въ Австріи нѣтъ русского народа — бо въ официальной народной переписи въ році 1910/11 — никто себе не давъ записати русскимъ.

Чи то не брехня? И то на нашихъ очахъ! Та што ся примѣромъ въ насъ на Лемкахъ втовды водило? Та кѣлько то Лемковъ zostало засудженныхъ на кару грошеву або арештъ за то, же наставляли на своимъ и казали себе записати русскими. Та якъ было въ повѣтѣ сандецкимъ, примѣромъ въ Щавнику, де ажъ при жандармахъ народну перепись перепроводили и то подъ тымъ условіемъ, же запишутъ ихъ яко русскихъ черезъ два „сс“, а въ Мушинцѣ што было? Въ Тыличѣ навѣтъ безъ жадныхъ переговоровъ конскрипційный комисаръ не посмѣвъ иначе записувати — якъ русскій черезъ два „сс“. А въ Войковой ксендзъ Дуцько яко комисаръ — чи не ужывавъ револьвера при народной переписи, а и такъ мусѣвъ пойти по воли народа. И то такъ было въ цѣлымъ повѣтѣ сандецкимъ.

А въ повѣтѣ горлицкимъ якъ было?

Люде не хтѣли навѣтъ чути о томъ, жебы ихъ иначе записано якъ не русскій черезъ два „сс“, такъ же жандармы мусѣли зганяти люди до конскрипцій штыками. Въ Ждынѣ примѣромъ хлопи вырвали съ рукъ комисареву официальной актъ и спалили за то, же прѣобѣцывъ ихъ записувати яко русскихъ черезъ два „сс“, а потѣмъ того не дотримавъ, а то такъ было всяди, такъ же въ кѣнцѣ самъ староста горлицкій приказавъ комисарямъ записувати русскій черезъ два „сс“.

Што ся потѣмъ съ томъ штыкомъ стало то не наша рѣчь. Мы хтѣли такъ и натурально уступили намъ.

Могли насъ потѣмъ и на Японцѣвъ переиначити! И мы тѣразъ не смѣмъ до актѣвъ урядовыхъ, лемъ собѣ добре памятамы якъ то штыко было и яки мы. Же не осталъ ани еденъ въ Австріи русскимъ, то ищи лѣпше, бо намъ отворило очы, якъ то въ насъ ся газдуе. Мы цѣлкомъ не упадемы зато на духу, противно насъ то ищи барже загрѣвать до борьбы съ врагами за русскій народъ и

его православному вѣру. Змажете писмо правдиве, а сотворите фальшиве — але нашего русского духа не убьете!

А г. Олесницькій може бы до насъ загостивъ, та бызме му показали и удовнили, ци мы русскы черезъ два „сс“, ци „вікраїньсько-руські псюкі“.

Въ Болгаріи.

Дуже неспокойны вѣсти надходятъ съ Болгаріи. Черезъ довшій часть занимаю ся пытаньомъ, кто впровадилъ Болгарію въ братоубійственну войну и тымъ самымъ принюсъ Болгаріи поражение на каждомъ кроцѣ, такъ же Болгарія стала передъ цѣлковитымъ розгромомъ. Нынѣ выяснило ся, же причиною того всего былъ самъ болгарскій царь Фердинандъ, котрый на слѣпо вѣрилъ Австріи.

Длятого Болгаре гнеска отверто выражаютъ неудовольствіе своему царю — пишутъ до него отверты листы, критикуютъ остро его политику, а въ концѣ звертають ся до него въ острыхъ словахъ: Забирай ся геть отъ насъ царю!

Самъ генераль болгарскій Савовъ, на котрого перше звалоувано вину паденія Болгаріи, заявляетъ днесъ, же онъ то робивъ, што му казавъ царь. Цѣле тото замѣшанье въ Болгаріи може привернути назадъ неспокой, бо готова тамъ выбухнути нова война о престолъ. Царь Фердинандъ оставилъ Софію, а забралъ ся до своихъ частныхъ добръ — близко Вѣдня. То тѣжъ не свѣдчитъ о добрыхъ отношеніяхъ въ его державѣ. Въ каждомъ разѣ находиме ся предъ важными новыми событиями на Балканѣ.



Мои добрымъ друзьямъ!

(Посвящено тыличкой „Русской Дружинѣ“).

Мои вы юные друзья,
О нѣтъ, не знаете, какъ я
Счастливымъ чувствую себя,
Средь васъ любимые сидя.

Друзья повѣрьте, что изъ глазъ
Текутъ мнѣ радостныя слезы,
Когда я думаю о васъ.

За тѣхъ, что жизнь такъ роковую
Ведутъ въ острогахъ и тюрьмахъ
Пойдемъ мы съ пѣсней на устахъ!
„Пора, пора за Русь святую“...

Друзья на бой, кровавый бой!
И крикнемъ громко кату: стой!
Долой твой чертовскій ужъ мечъ,
И сбросимъ иго съ нашихъ плечъ!

А если придется вамъ лечь
На полѣ брани межъ врагами,
Друзья, лягу и я тамъ съ вами!



Кредитное Общество „Надежда“ въ Крыницѣ рѣшило на засѣданіи Надзирательного Совѣта отъ 28 жолтня 1913 року н. ст. подвысшити процентъ отъ — вкладовъ щадничыхъ на 6% —

Лемковски Пѣснѣ.

Хлопецъ я си...

Хлопецъ я си еденъ,
Мамъ фрафрокъ седемъ.
Една на недѣлю, (2)
А шесть на каждый день.

Котра на недѣлю,
Краснѣ ей приберу.
Котра на каждый день (2)
Кыемъ ей выперу.

Лѣщинскы паробцѣ
Были бы панами,
Жебы не водили (2)
Дѣвчатъ подъ чугами.

Младость моя младость
Пойшла мѣ на марность,
Мои млады лѣта (2)
Не ужили свѣта.

Ани не ужили, ани ужиють
Мои млады лѣта,
Лемъ ся такъ змарнѣють. (2)
Съ кермешу.

Тамъ на горѣ...

Тамъ на горѣ рокыта.
Пасла Юзя ягнята,
Ягнята разъ!

Накопала корѣня, корѣня
Съ подъ сивого камѣня
Камѣня разъ!

Ищы корѣнь не скупѣвъ,
А ужъ милый прилетѣвъ
Прилетѣвъ разъ!

Што ту Тебе принесло,
Чи помело, чи вресво
Чи вресво разъ!

Принесъ мене сивый кôнь
До тебе Рузьо миленка
Миленка разъ!



НОВОСТИ.

Мученики за православному вѣру. — 17 листопада, то есть въ тамтотъ понедѣлокъ отбывъ ся судъ въ Змигородѣ надъ православными людьми. Оскаржены

были за то, же дали въ своимъ домѣ святити пасху православному священнику Соловѣю. Засуджены суть Сильвестеръ Павелчакъ и его донька Марія Нацикъ на 24 годинъ арешту за то, же въ ихъ домѣ пасха была свячена. Михаилъ Васенко и Демко Барна, оба съ Долгого засуджены на два дни арешту. Першій за то, же въ его домѣ свячено пасху, а другій, же ознаймивъ люди о свячынню пасхи.

Такъ то жые ся нашимъ православнымъ Лемкамъ. Лишены суть безъ священника, такъ же сами мусять крестити свои дѣти а умерлымъ похоронъ отправляти. — Недавно такій похоронъ безъ священника мавъ бл. п. Михаилъ Гошко изъ Граба. — Честь Вамъ неустрашимы борцы за нашу святу православному вѣру. Не убило насъ крипацтво — не убиетъ насъ и польска въ Австріи конституція!

За „Лемка“ не хтятъ похоронъ отправляти. До чого то веде фанатизмъ іезуитскій послужить слѣдующій фактъ за прикладъ. Стефанови Сернякови, господареви съ Перегримкы умеръ 2-лѣтн. хлопецъ. Отецъ небощика удавъ ся до своего пароха о. Іоанна Мышковского. — Но за то, же Ст. Сернякъ есть нашимъ подписчикомъ, лишывъ ся безъ пароха, бо іегомосьць повѣли, же тымъ — што читають „Лемка“ не будутъ дѣти ховати. Іегомосьць, повѣчте ле, чи то можна назвати тактомъ? А што втовды буде, якъ цѣле село вамъ повѣсть, же васъ не потребуе? Га? А газеты конфисковати то тѣжъ якости не краснѣ вамъ, яко тому што вчытъ: „Семе не кради!“

Забивъ ся жолнѣръ. Предъ кôлькома днями застрѣливъ ся въ Станиславовѣ рекрутъ 9 полка Василій Яворскій, котрый недавно розпочавъ службу, Причиномъ самоубійства была тоска за своіомъ родиномъ и переслѣьованіе шаржы войсковой. — Погрѣбъ бывъ безъ парады войсковой и безъ священника.

Разъ векшій, разъ меншій. Люде жыють съ рôжныхъ зарôбковъ. — Суть такы, же черезъ упряженіе своего тѣла доходятъ впрость до цѣкавыхъ результатовъ и черезъ то зарабатють великы пѣнязѣ. Недавно примѣромъ пописувань ся во Вѣдни неякій Вилярдъ, котрый до того дойшовъ, же може ведля своей воли змѣняти свой взрôсть. Разъ може быти векшымъ, разъ меншымъ, якъ коли зохце. Найвекша рôжниция выноситъ 16 сантиметровъ, то значытъ, же о 16 сантиметровъ може быти векшымъ або тѣжъ меншымъ.

Письмо Ваня Гунянки

Слава Иисусу Христу!

Но и маме зась зиму. Не таку зиму, не таку, якъ по иншы roky, бо по иншы roky набравъ груль, наготовивъ на цѣлый день и ци молоти, ци до лѣса, та обѣшовъ, а тоту зиму хлипнешь на сынѣданя чырику, та до вечера брюхъ при плечахъ. А дѣти южъ теперъ съ осени посовудѣли. Бѣда, газдове, бѣда!

А хто намъ въ той бѣдѣ помагать? Платиме податокъ — служиме цисарови при войску — нашы дѣдове клали свои головы въ Итали, ляли кровь съ Прусомъ, нашы сынове, ба и мы стары мерзли той зимы въ Боснь, голодували — не пытали, ци ты Руснакъ, ци Полякъ, ци ново-открытый „Українецъ“! — Ищи барже Руснакомъ гуцкали, бо Руснакъ вѣрный, терпеливый!

Але коли теперъ пришло роздѣляти въ тяжкій для хлопа часъ запомогу, та тобѣ Руснаку зась! Дали Ляхамъ, бо они будують „ойчизну“, пхають „Українцямъ“-политыкамъ — котры дають хлопумъ того, што имъ отъ бороды капне, бо „Українці“ служатъ ворогамъ русского хлопа, а ты русский хлопе здохни съ голоду, бо нашимъ русскимъ обществамъ паньство не удѣлило запомогы!

Коли на паньство бѣда то не пытаются, якій ты хлопе? Русский, польскій, украинскій, лемъ давай, або гибай! Але якъ на хлопа бѣда, та: „машъ Поляку, машъ мазепинче, ѣчте, а ты хлопе пѣдъ плотомъ вмерай съ голоду“. Съ якимъ, мы серцьомъ пѣдеме боронити тыхъ панѣвъ, якъ буде на нихъ бѣда, съ якимъ сумѣньомъ берутъ они отъ насъ податки?

Мы не помреме съ голоду, бо великій, богатый русский народъ, широка его земля и хоць въ насъ того року уроды планны, але русска земля преховатъ три, штыри разы тѣлько народа, якъ народъ русский. И коли наши братья въ Россіи

чули, што въ насъ голодъ, спѣшать съ помочомъ: Тисячи-тысячи гроша назбери для насъ, тысячи вагонѣвъ хлѣба намъ пришлють! Не жадають они зато отъ насъ ничъ, лемъ жебызме русскыма людьми были, жебызме за тотъ марный грѣшъ отъ Нѣмцѣвъ або Ляхѣвъ не выреклись своей народности, своего имени и своей православной вѣры.

Коли „Українці“ хцуть, най ѣдятъ за тыхъ 30 сребренникѣвъ. Они горшы отъ Юдѣвъ, бо Юда шмаривъ 30 сребренникѣвъ, не ѣвъ за нихъ, ани не пивъ, лемъ ся повѣсивъ зъ роспуки. Они отъ Юдѣвъ горшы, бо пють и жруть за ти грошы — за котры продали свое имя и свою вѣру. Най ѣдятъ, не знамъ ци въ нихъ стровить!

А того жида, што замордувавъ руске дзецько, взяли и пустили. Бесѣдують, же не было доводѣвъ! Не было доводѣвъ? А тѣлько гроши откаль ся сыпало на прекупства, на циганства? Тяжко Богъ скаравъ русский народъ жидами — коли тѣжъ здойме тоту кару съ насъ? Пють нашу кровь, насутся нашомъ працьомъ, а мы капеме! Ой Боже, коли ся бѣда скѣнчить?

Поздравямъ при кѣнци шыткыхъ іезуитѣвъ, а найсердечнѣйше пана комисаря отъ „конфискуваня, бо онъ наибѣльшій „jezuita“, бо ажи „atramentu“ все лемъ ужыватъ такого, якъ старшы іезуиты носятъ „гузѣкы“. Поздравямъ пана старосту, паню старостику и панята старостята, най Памбѣгъ недопустить, жебы дакотре улицѣ замѣтало, або онучы и кости зберало.

Ваньо Гунянка.

Просиме чѣмъ скорше о вырѣвнанье залеглостей за газету „Лемко“.

Мазепинского ксендза побили (?).

На донесеніе ксендза Александра Говды, пароха съ Боднаркы и катехеты гимназіального въ Горлицяхъ, жандармы арештовали штырьохъ паробкѣвъ съ Вапенного за побитіе выже сказаного ксендза. Якъ ся довѣдуеме справа цѣла такъ ся мала.

На кермешы Козмы и Дамяна 14/XI т. р. мавъ проповѣдь въ Мацинѣ ксендзъ Говда. Южъ самъ характеръ того мазепинця не позволивъ, жебы то тримати таке казаніе якъ въ день праздника выходитъ — але тотъ мазепинець ксендзъ вмѣсто слова Божого зачавъ въ церкви политикувати. Въ острыхъ и понижающихъ словахъ выступавъ противъ нашей святой православной вѣры и стосувавъ то шытко до парохіянъ, котры якъ гваривъ втѣчуть до Америки, принимаютъ тамъ шизму — а покидають католицкій Берлинъ (певно му марки оттамаль пахнутъ) — лемъ смотрять на шызматическій Петербургъ.

Селяне такимъ казаньемъ политическимъ были дуже недоводены и нибыто штырьохъ паробкѣвъ съ Вапенного урадили подякувати ксендзу за его казанье, тай якъ вертавъ доми мавъ го на возѣ злапати и кусъ по крижахъ поцяпати — жебы ся не бавивъ веще въ мазепинского проповѣдника на Лемковщинѣ. — Ци то правда, же ксендза Говду побили — не можеме повѣсти напевно, однакъ фактъ есть, же ксендзъ Говда нетактовне тримавъ казанье на кермешы и другій фактъ, же арештовано на его внесеніе штырьохъ паробкѣвъ. Справа ся довше потягне и пѣйде здаеся ажъ до обводового суду до Ясла.

Въ остатній хвилѣ по напечатаню того довѣдуеме ся — же не арештовано жадныхъ паробкѣвъ за побитіе.

Въ селѣ Климкѣвка, повѣта Горлицкого — есть до продажи 220 моргѣвъ лукъ, орного и лѣса — разомъ съ будинками господарскими. — Кто мае охоту купити яку часть съ того грунта то най звертае ся въ той справѣ до:

**ЛЮБОМИРЪ КАЧМАРЧИКЪ,
Горлицѣ.**

Выробы шкѣряны
обува! — — —

Чоботы и Черевикы

карпацкы до горъ
за тѣхже доброту
гварантую. Бремзолѣ мастриковы якъ
пѣдошва. — — — — —

Нумера отъ 43 до 47. — Пара чобѣтъ на мужчину Коронъ 20—, 22—, 24—, 26— до 30— Коронъ. Другій рѣдъ чобѣтъ — Кор. 15—, 16—, 18— до 20— Коронъ. — Для дѣтей шкѣльныхъ нумеръ 22 до 26 — Кор. 7—, 8—, 9—, 10— и 12—. Зновъ для мужчинъ съ жовтой шкѣры Кор. 18—, 20—, 22— и 24—. — Черевикы Кор. 12—, 14—, 15—, 16— и 18— до 20— Кор. — Для женщинъ черевикы боксовы, нумеръ 31 до 35 — Кор. 11—, 12—, 14—, 18—.

За доброту ручу. — Якъ не сподобае ся пріймаю назадъ. — Хто замовляе пару чобѣтъ або черевикѣвъ то прошу прислати чотири короны задатку, бо безъ задатку не высылаю обува. Абы не тратити грошей на листы и марки прошу на переказахъ замовляти, подаючи докладно свою адресу и нумеръ обува пѣдъ адресомъ:

**Іоанъ Сѣдикъ,
Струтынъ выжний, п. Рожнятовъ.**



Поглядайте въ обыстю старыхъ книжокъ и листовъ!

Стары книжки и листы, писаны
рукомъ и друкуваны, всякого рода
и содержания, — якъ то: церковны
книгы и поученія, житія святыхъ,
пѣсни, исторіи оповѣданкы, хоцъ бы
были и цѣлкомъ подерты и побабраны,
просиме барзъ гардѣ прислати
намъ пѣдъ адресомъ:

Редакція „Лемко“ Горлицы.

СВОЙ ДО СВОГО!

РУССКЕ ТОРГОВО-КРЕДИТНЕ ОБЩЕСТВО

„НИВА“ въ ЛѢСКУ

об-во зарегистр. съ огран. пор.
Рѣкъ основанія 1911.

Ручательны фонды 200.000 К.

Принимать пѣнзѣ на ошадность уже отъ 1 К.
и платитъ 5% а по особнои умовѣ и 6%.

Дае пощички на скрыпта и вексли.

Висилать гроско зъ фабрики або зо своего
магазину свѣтло церковне и столове марки
„АПОЛЛО“ въ скринкахъ отъ 30 Кор.
и выше, отъ цѣнъ фабричныхъ остунае
12 процентъ скидки. Для купцѣвъ и крамницѣ
особны оферты.

Принимать цѣлваговыи заказы на шутчны
навозы якъ томасина, суперфосфатъ и др.
остунае высокій рабать.

При „НИВѢ“ въ ЛѢСКУ

открыло Тов. „РИЗНИЦА“ комисійный складъ
товаровъ церковныхъ, а то: фелоновъ, стиха-
ровъ, хоруховъ, иконъ процес., чашъ, пате-
рицъ, крестовъ, кивотовъ, лѣхтаровъ, пауковъ,
книгъ богослужебныхъ, молитвослововъ, об-
разовъ, Прапоровъ для „Русскихъ Дружинъ“.

Стари ризы и сосуды принимае „НИВА“
до обновленія.

Вшитко што входитъ въ банковый и тор-
говый кругъ переводится оборотномъ почтомъ.

„НИВА“ въ ЛѢСКУ

Ринокъ 92 — власный домъ.

ПРОСИТСЯ О ЖЕРТВЫ

на

„ЛЕМКОВСКИЙ НАРОДНЫЙ ФОНДЪ“

Жертвы посылати на адресъ:

„ЛЕМКО“

ВЪ ГОРЛИЦЯХЪ.

СЛАВІЯ

БАНКЪ ВЗАИМНЫХЪ ОБЕЗПЕЧЕНІЙ въ ПРАЗѢ
Головне заступниц. для Галичины и Буковины
во Львовѣ, Коперника 30 I. п. Тел. 1338.

а) **обезпеченія житъовы**, а именно обезпеченіе капитала на выпадокъ
дожитія або смерти, обезпеченіе вѣна для дѣти, обезпеченіе рентъ пожизне-
ныхъ и то або за одноразовомъ вкладкомъ, або за рѣчными вкладками и т. д.
Потрѣбны тарифы сп примѣрами на жаданье высыламе бесплатно;

б) **обезпеченія огневы**, вѣдъ шкѣдъ причиненныхъ пожаромъ, громовымъ
ударомъ взрывомъ и т. д. До обезпеченія принимаются будынкы, движимости,
живый инвентарь, збѣже въ столахъ, стиртахъ, оборахъ, шѣхлѣрахъ и пр.;

в) **обезпеченія шибъ шклянныхъ и зеркальных**, передъ розбитьемъ,
або ушкодженьемъ;

г) **Обезпеченія противъ крадежи съ вломомъ**, въ закрытыхъ помѣще-
ныхъ або хранилищахъ. Тото отдѣленіе важне для церквей, кассъ пощичковыхъ
конторъ, библиотекъ, музеевъ, торговель и частныхъ особъ, занятыхъ по большій
части поза домомъ, наразеныхъ наибѣльше на грабежи.

Ликвидациі исполняются безотлагательно при участи мужѣвъ довѣрія и
знатокѣвъ съ всею точностию и совѣстностию.

Въ мѣстцахъ, де ищи нѣтъ заступничества банка „СЛАВІЯ“, удѣляеся такимъ
особамъ грамотнымъ, трудолюбивымъ и совѣстнымъ за рекомендаціомъ
Общества им. Мих. Качковского во Львовѣ.

Вшиткыхъ информаций штося тычитъ обезпеченій, якъ тѣжъ формулярѣвъ
до выполнения, удѣляе безотлагательно и бесплатно Головне Заступничество
банка „СЛАВІЯ“ во Львовѣ, вшиткы заступничества по провинціи, якъ тѣжъ
„Страховое отдѣленіе“ при Обществѣ им. Мих. Качковского во Львовѣ,
ул. Валовая 14. I. п.

Резервны фонды банка „Славія“ выносятъ высше 53,000.000.

Банкъ „Славія“ выплатилъ
за цѣлый часть своего
существованья за
шкѣды и платны ка-
питалы К 115,390.603

Фонды банка осягнули К 53,758.285

Маетокъ банка составлять К 52,694.649

Въ 1910 р. вѣлачено пре-
мій и вкладокъ К 11,956.668

Громадамъ и сторожамъ
огневымъ удѣлено
запомогъ К 248.938

Фондъ емеритальный заступниковъ банка „СЛАВІЯ“
выносить 793.180 коронъ.

Краевый адвокатъ

Д-ръ СЕМЕНЬ С. БУЛИКЪ

въ МУШИНѢ

пренюсъ

адвокатску канцелярју

до своего дому напротивъ аптыкы.

**РУССКОЕ ЛЕМКОВСКОЕ
КРЕДИТНОЕ ОБЩЕСТВО**

**„НАДЕЖДА“
ВЪ КРЫНИЦѢ**

принимаетъ вклады, отъ которыхъ пла-
титъ 6% съ полугодичною капитали-
заціею.

„НАДЕЖДА“ въ КрыницѢ — даетъ
ипотечныи займы и займы подъ
довговын листи на 7%.

„НАДЕЖДА“ въ КрыницѢ — даетъ
вексельныи займы на 8%.

„НАДЕЖДА“ въ КрыницѢ — платитъ
рентовую подать — изъ своихъ
фондовъ.

„НАДЕЖДА“ въ КрыницѢ — пере-
писуеся съ банками въ АмерицѢ,
— за що не побираетъ жадного
вознагражденія.

Канцелярја „Надежды“ открыта
ежедневно отъ 9 ч. до 1 ч., за
исключеніемъ недѣль и русскихъ
праздниковъ.

СВОЙ ДО СВОГО.

Кредитное Общество

ЛЕМКОВСКАЯ КАССА

общество зарегистровано съ огран. пор.

въ ГОРЛИЦЯХЪ

принимать пѣнзѣ на ошадность

и платитъ отъ нихъ 5%.

Пожички дае на 7%.

СВОЙ ДО СВОГО.

Надѣли сой мазепинцѣ козацку одеджу,
Тай лемкѣвску съ крикомъ-гукомъ преступили меджу.
Хтѣли вѣру „ина-чѣти“ русскость закопати
Нашу святость одобрати асвою намъ дати



Лемъ-же лемкы ся збачыли, бо тварь не козацка,
Але „пика“ Русь-зрадника „льо-кайско-нѣмецка“
А съ такыма русскы лемкы никусь не шпасують...
Небораки „мазепинцѣ“ съ йойкомъ отлѣтують...

САТИРА, ГУМОРЪ, ЗАБАВА.

Найновши новости.

Знаный философъ горлицкого повѣта Мырбовда иначе званыи Ксандерко съ Боднаркы — або хрестный няньо Акымця, сына Милька съ Маластова — лежыть барзѣ хворый — бо го колють колькы и го барзѣ струже по брѣстѣ, бо преѣвъ ся деси въ Мацинѣ на кермешы.

Гварять, же мавъ окрутне казанье повѣсти, а съ пикы ся му такъ пѣнило, же му приставили шафликъ. Ей, бо то вамъ гваривъ! Бесѣдувавъ, же „Українцѣ“ внятъ выберуть своего власного папу, а што хвиля йойкавъ: Берлинѣ, то нашъ братъ католикъ — и загаявъ на вѣчны муки до пекла шызматыцкѣй Петербургѣ.

Соле со на него!

**Школьны вымовкы.**

- Чомъ есь пѣзно пришовъ?
- Бо година въ насъ зле ходить.
- А ты другѣй?
- Бомъ не мѣгъ найти книжку.
- А ты третѣй?
- Бо мѣ ся кровь съ носа пустила.
- А ты четвѣртѣй?

Тотъ замѣсть отповѣсти, зачынае плакати.

— Чомъ плачешъ? — звѣдуе ся учитель.

— А, бо они южъ вшитко повѣли, та я тѣразъ не знамъ, што мамъ повѣсти.

**Въ судѣ.**

Сендзя: Ци отецъ обвиненого ищи?

Обвиненый: Жые.

Сендзя: А мати?

Обвиненый: Мати моя не жые, бо вмерла ищи въ три тыжнѣ предъ моимъ, уроджыномъ.

Рѣжниця.

— Прсшу пана професора, котрый съ моихъ хлопцѣвъ есть мудрѣйшѣй?

— Гм... Котрый съ нихъ есть мудрѣйшѣй, то трудно повѣсти, але глупшѣй то напевно Войтекъ.

**На улицѣ.**

Панъ до батяра: Не встыдишъ ся жебрати — не машъ здравыхъ рукъ до працѣ?

Батяръ: Кедъ прошу ласки пана — якъ лемъ пушу руки въ рухъ, то зарази мя всаджають до дзюры.

**Злосливый следзь.**

На едномъ ярмарку нюсь еденъ хлопъ следзи въ рукахъ; якъ такъ собѣ иде, хтоси ци то съ жарту ци съ псоти, стрѣлыи му до руки съ процы горохомъ, але такъ зручно, же хлопъ бывъ певный, же го следзь вкусивъ, тай шмаривъ съ нимъ о землю. По хвилѣ намыслу ставъ следзьови на голову и рюкъ спокойно: „Тѣразъ бестѣо машъ, но вкусъ ле, ци ищи потрафишъ“.

**Не поможе.**

Бѣй ся Бога, южъ полудне, а ты ищи лежышь; можешъ хворый, та чомъ не пошлешъ по доктора?

— Е, мѣй коханыи мѣ жадень докторъ не поможе.

— А што ти бракуе?

— Бракуе мѣ сподень, штомъ въ жида заставивъ.

Небезпечный кліентъ.

Адвокатъ (до жены): Моя кохана позамыкай гнеска вшитко и добрѣ поховай.

Жена: А то чомъ такъ?

Адвокатъ: Такъ добрѣ боронивъ емъ гнесъ одного злодѣя, же го уневиннено и увѣльнено, за што подобно хце мѣ прити подякувати.

**Добрый ученикъ.**

— Татусю! Я самъ гнеска съ цѣлой клясы знавъ отповѣсти на пытанье научителя.

— А, то мя барзѣ тѣшитъ. А штожъ такого звѣдувавъ ся учитель?

— Звѣдувавъ ся, хто выбивъ вокно въ клясѣ...

**У доктора.**

— А въ ночи добрѣ спите?

— Ока не можу змружыти.

— Якъ давно южъ?

— Отъ осмохъ роковъ.

— Што тѣжъ гварите?

— Такъ пане докторъ, бо отъ осмохъ роковъ повню службу ночного сторожа.

**Въ судѣ**

Сендзя: Засѣ поповнивъ есь крадѣжъ, бось вламавъ ся до помешканя!

Оскарженный: Прсшу пана сендзього я ничъ не ламавъ, лемъ ремесельники робятъ вшитко таке слабе и крухе, же чого ся лемъ доткнути, то вшитко зарази пукать.